

A SIRA CIOVI

Ccu ll'ali
abbòlunu i pinzera
ê munti a-pprimu sulì.
Ntô vespri
cciù gghiàutu
assicutunu i venta a gghiri a mmari.
Ma â sira ntô scurari tòmunu
a ttocca cchê ucedha
ntê so nira a-mmasunàrisi.

Ppi mmia
na nùvula si posa
piulusa supr'â ciana.
N'ùmm'ra è cciù aruci: " Sugnu cca..! ".
E iu cca ciamu, supra a nosthra terra, l'acqua ca ciovi.

Aspittannu
ccu-ll'ùrtima ciarura
bbramu ri l'arma
è u sciusciu c'accarizza
u sbruffu
ca u cielu cerni
nfuscu supr'ê casi.
"Vieni, bbiniritta, e mi vaghi!"

Na bbrizza
thrièmula
sciddhica suliddha ntâ vithrata.
Ri rinthra è na làcrima ô specciu 'n conthra-luci
ca ô labbru si ni scinni nzima ô cori.
'M pinzieru
ntâ mamoria
è amaru ri malincunia.

Scrùsciu: Ora...è u lamientu rô vientu
a bburrasca ca ntô tettu tuppulìa.
E sutta ô cielu
è cciantu
ntô piettu e supr'ê casi.
"Thrasi, e mmi lavi, pathri!
Aspetta ca ti rapu."